

青萍詩存

朱松謙著

完

919.6

Sub74s


(H)

山縣伯題辭

張斯桂君序 曾紀澤侯讀 依田百川君跋
諸名家評 末松謙澄君著

青萍詩存 完

文學社




210048


平下守子

題辭


氣




行



立





斗



戊寅八月

有因題





序



杜少陵詩雄千古全集皆膾炙人口所謂不廢江河
 萬古流者然少陵幕府青袍千詩愛國未嘗身列犖
 山行間躬冒矢石與郭李諸公推阿之衆挫曳落河
 之鋒即其和嚴武軍城早秋詩云已收滴博雲間戍
 更奪蓬婆雪外城讀者猶謂虛摹境象而不親與恢
 復兩京之事為可惜也日本友人末松謙澄以詩鳴
 者也年方及壯才氣過人其詩踔厲奮發已有天馬
 行空之概丁丑之秋薩摩軍務告竣是冬桂適奉
 天子命來脩舊好始識君於橫濱館舍嘗受其詩而

讀之覺清雄古秀超逸不羣凡涉水登山圍城奪隘以及凱旋飲至莫不有詩以紀之蓋於軍務倥偬之餘獨饒詩興足徵天趣集中諸作皆戎幕中草檄餘閒事也當夫重重敵騎信手揮毫面面烽煙隨時握管臨流擊楫祖豫州慷慨尤多讀祝興師温太真雄心未已君本奇才故詩多奇氣昔人所謂日試萬言倚馬可待者此其有焉乃猶志不自滿欲徧遊域中名山大川以擴其眼界讀萬卷書行萬里路其胸襟識見復何如耶今有泰西之行將束裝就道復來話別握手依依期以十年而後返而重以詩序為囑

桂

謂君詩渾灑雄傑其中佳句直登少陵之堂而躋其歲所謂不懈而及於古者非耶是行也吾知泰西各國必有逃聽才名而倒屣爭迎者將來聞見愈充推敲愈細其詩必有進而益上者是又

桂

所樂得而讀之者也

光緒四年歲次戊寅仲春月四明張斯桂并書於東京芝山節署



讀 大著鐵壁集。藉戎馬倉黃之境。攄英雄磊落之
懷。磨盾作書。倚鞍為几。龍文手挾。牛弩筆張。金鐵鳴
於行間。風雷生於腕底。歷劒門之險。歎劉禪為奴才。
登廣武之顛。咲沛公為豎子。黃顰歌罷。盡帶邊聲。朱
鷺吟成。都為樂府。境無虛接。景不空描。杜陵出塞之
篇。王粲從軍之作。古音斯在。嗣響何慚。宜付開雕。用
續婆陀之絕調。幸留副墨。恆披宛委之奇篇。
光緒十一年六月廿四日。湘鄉曾紀澤讀過並識。

凡例

一此集元題曰明治鐵壁集。今有故改之。

一此集元係匆卒之作。故初版二版共多推敲未至者。今字句可改者改之。全首可削者削之。以為第三版。

一諸家題跋頗屬過獎。今多省之。


一附錄七首。前二首及西征之事。故附。中四首觸事速懷。且能悉作者羈旅之情。此集元為頌故舊鑄之。故附。後一首係譯西詩者。費思頗多。不忍湮棄。故附。

頃者末松君從英京倫敦歸。一日訪其館。書架間有一書在。清而繕寫。乃校其書。嘗所著之明治鏡壁集。且加倫敦寓中之近製者也。余甚惜此珠玉空沒古書堆裡。因因請以上梓云爾。

明治十九年六月

茂堂誌

青萍詩存



青萍逸人著



今茲明治十年一月。陸軍大將西鄉隆盛。陸軍少將桐野利秋。篠原國幹等謀反。舉兵於鹿兒島。於是朝廷命褫其官位。下征討軍。轉戰於肥薩隅豐間。數月不止。其六月。予被命赴肥後。承乏軍團幕僚之末。東西奔走。足跡幾遍肥薩隅日。九月二十四日。官兵攻隆盛以下於鹿兒島城山。殺之。撤軍凱旋。予乃辭軍團。獨巡兩肥筑豐之間。遂至赤馬關。會有電報。急促東歸。乃搭

栗本鋤雲云起得莊重不可犯那珂梧樓云後聯華而壯

郵船上神戶。取道東海道。十一月一日。歸東京。其二十八日。陪宴於赤坂皇居。自變初至于此。觸情感興。屢得詩句。而當時事務鞅掌。未遑整理。今也官少有暇。因追想前日情況。取其上思者。次第追錄。篇未全者。加句補之。遂纂成一卷。採首章第一句語。名曰明治鐵壁集。要之忙中餘事。固亂次不啻。豈敢謂足煩大方之聽哉乎。明治十年臘月。

誰向明治聲。鐵壁城。咆哮無狀學狂鯨。擬將抗表瞞清世。孰聽流言博偽名。龍駕且停行在蹕。虎賁齊

曾紀澤云工整

曾云空前絕後之作又云詩亦驚鬼神那云起結呼應極靈

發旌團兵。尅期一勦。應非遠。十丈旌旗旭日明。久矣隱然藩鎮名。反形有跡始西征。火輪蹴浪船無影。電信連空綫有聲。賊膽先寒官位禡。天兵乍下鬼神驚。大冷一發明如日。諸將誰先入蔡城。

六月十七日。將發西京。謁故木戶內閣。顧問墓。

栗云中興元勳社稷大臣一句括盡

曾云質樸不彫意摯情深那云予亦深知公一讀凄然

起勤王。終勤王。實是明治大棟梁。創業守成難併得。唯公兼來贊聖皇。獨為西賊久橫暴。知公遺恨裂肝腸。嗟呼今日賊勢日退蹙。直至一掃請瞑目。予嘗作

在日日新聞。公一生行狀略悉。近時皆川某剽竊全文為卷。行于世。

二十日。上馬關。雨中吊故陸軍大佐福原和勝

君墓。墓在關後一山上。君令茲三月初三。岩村
之戰中。斃。其二十四日。卒于久留米。軍事病
院歸葬于此。前是荻秋月之亂。予與君同發東
京。將赴荻。船至遠洋。遇颶。航程誤二日。至大坂。
亂既平。予乃與君別。獨西行歸我豐津。觀秋月
賊爭戰之場。赴福岡。傍聽賊魁今村百八郎益
田靜方等口供。而後歸京。一日與陸軍將佐官
某某會君邸。予為縷述百八郎等事。自其舉兵
以至就縛。率無所遺。因遂同談。癸丑甲寅間。志
士義人所以蹉躑顛沛之狀。悲壯慷慨。共吞暗

淚。無幾。君祇役上海。及鹿兒島變起。蹶然自上
海歸神戶。直赴戰地。遂以卒。是以不復與予相
見也。今吊其墓。俯仰感慨。不能自禁。乃口吟一
絕而去。

我衣去向薩肥間。自是干戈幾嶮艱。聞說故人埋戰
骨。雨中先上馬關山。

二十一日。船過玄界洋。望那古耶舊址。懷古。

火輪長駕截玄洋。吾在舷頭決背望。片時瞥見那古
耶。知是文祿行營場。落暉反射赤於血。荒山一帶暮
霞結。山前松林斷復續。海風橫來地欲裂。憶昔銀杏

曾云碧血九原吞
聲不已
椰云淡却有情
栗云匆忙中不忘
依依之情

栗云敷叙有精彩

曾云落暉句沈雄
蒼古直逼少陵

村上佛山云英風
豪氣盤旋紙表

曾云驅邁之句生
龍活虎

椰云氣大聲壯下
筆疾於火輪

栗云千古遺憾

樹下兒。面骨八寸絕世奇。徒手掌握六十州。四方猛

士從指麾。既率海內奉龍駕。獨憾醜虜沮王化。日本外史

語氣壓大明。吞三韓。目光炯炯萬里射。嘗謀鏃倉源

大頭。略地至明若諾不。丈夫當用武萬里。安能鬱鬱

老一阪。決然遂以文祿歲來。此築城會精銳。列藩諸

侯連壘柵。旌旗林立張氣勢。西望韓海渺無涯。萬艦

早向彼間馳。後軍未悉上金山。既見平壤樹我旗。百

萬明軍落肝膽。遼東山河氣色慘。豎子誤事亦一時。

手裂冊書八道撼。赤縣殆戴扶桑天。國文或將布遠

邊。其奈師未渡鴨綠。天不慙遺奪其年。身毒欲定歷

曾云俯仰情深
村云古色蒼寒應

前松林斷續用意
何容

椰云顧睨敏捷
栗云一語截往有

利刀斷機之快
村云以火輪起以

火輪結得古體之
法

栗云草卒之語亦
朗朗可誦

山殂一作誰懷明匈奴未服祖龍死。猶為御國一張

目。御國我邦言天兵十萬不為鬼。自從世事改其觀。

此地亦終歸渺漫。霸氣銷沈知幾世。猶見古色凝蒼

寒。吁嗟乎若使此舉在今日。咄嗟之下辨其術。壯舉

不遂殊可憾。當時無此火輪如鳥疾。

二十二日。騎發佐敷。至綱木太郎絕頂。會山縣

參軍自大口巡視至。乃從還佐敷。

相逢一笑下崢嶸。萬苦多君事甲兵。且在亂松陰靜

處。話來十有八旬情。

梅雨連日。諸溪皆漲。

椰云實際之語不假粧飾而妙入神
栗云能得吮創分飲之意

曾云悲壯之詞

椰云前聯警而穩

栗云趙甌北口吻

村云三四淒絕觸此景雖壯士不能無一淚

梅霖入夜轉蕭條。聽至曉更魂欲消。新漲昨來高一丈。前軍糧道絕三朝。

佐敷市外有戰死軍人墓。一夕往吊之。墓在山麓稍高處。列植木標。各記姓名。瘦樹扶疎。枝掩其上。杜宇來啼。亦聞喇叭聲。低回者久之。

効命能酬聖世恩。我來憑吊慘無言。杜鵑呼恨雲千嶂。胡角吹愁月一村。山木數株纔護骨。國家多事未招魂。低回欲去還振袂。露氣和風入墓門。

三十日隨山縣參軍發佐敷赴人吉

斷崖峭壁幾彎彎。路入哀鵑老樹間。直至玖摩河峽

望。壘痕高在夕陽山。

古戰場

栗云新戰場乍作古戰場

七月十二日。駕光運丸。發佐敷。將赴鹿兒島。至野間岬。遇風濤。遂轉入水俣。賦奉似山縣參軍。

海門山色落雙眸。身在鎮西將盡頭。何物魚龍嫉豪傑。掀翻風浪打飛舟。

越大關山

至野間岬海門山可望

曾云經濟語而以蓋辯詼諧出之。椰云眼中無敵。村云假用放翁句。僅易一字神采煥發。何等妙手。栗云知否作須知。付與作舉付何如。

壘嶂層巒障海濱。看他天嶮是城闔。賊鋒利鈍君知否。如此關山付與人。

至大口。遊忠元社。得長歌一篇。鎮西有男子。名曰納武藏。驍武可用矣。鍊石作心腸。

村云此集引用古
典每每適實得妙
可知讀史眼光徹
紙背

曾云風馳雨聚金
鏃皆鳴

村云此等雖脩史
家難縷述今輒出
以韻語而運用自
在句句欲飛可與
二將馬上之武技
爭奇矣

栗云詩亦縱橫跌
宕極天下之壯觀

當時豐公起上國。席捲中原鵬張翼。薩陽獨有石曼

兒。欲擣天嶮決雄雌。江漢方城足以守。不聽白茅漫

籍辭。武藏本是石家子。來此大口守以死。方面責重

身命輕。手提鍊棒叱馬起。東來諸將皆英豪。勢如風

雨萬山號。就中最推滕將軍。鍊兜三尺與馬高奇矣

兩雄遇馬首。天下壯觀此時有。終日縱橫又跌宕。虎

怒龍憤風激吼。蹄間三尋離復合。二十餘合無勝負。

匹如王進遇甘輝。此是一代好敵手。遺恨南風吹不

克。城下盟成血痕黑。壞帝既屈查斯存。李韋未死南

府踣。拿破翁一匹攻壞國。壞將查斯防戰頗力。拿破翁以書勸和。查斯答曰。僕受出而戰之命而已。

至如論事之得喪與時之長短則非僕所知矣。於是拿破翁疾攻迫壞都。壞帝力盡講和。○米國南北之

亂李韋為南軍將。善用兵。數窘北軍。而南軍遂不利。南部政府解散。李韋猶擁兵數千。退守琳堡。北軍大

將希蘭度優。書招之。乃降。且說敵猶苦嶮隘。掩而襲之。可生獲。曹

操百萬敗赤壁。田單二城復齊國。禍福之機彈指間。

盍委臣以興復責。言不見聽難奈何。滿腔熱血付大

息。嗚呼盟成勸背事。固違。至其膽氣未必非。豐公亦

見憐其志。手賜偃月刀一揮。所憾一矢未酬君。寡君

若許臣不辭。不獨此語感豐公。又有州人為立祠。吾

今來遊日之夕。亂松一路風吹憤。古龕半破傍殘壘。

分明認見新戰迹。君不見昨日官軍此地攻。山河震

栗云一轉呼起十
郎太來尤有姿態

動萬銳衝。賊中有士稱逸見。生來心膽頗豪雄。受命
渠魁且來守。啞啞揮鞭馬蹴風。奈何所率女郎耳。不
足決戰共生死。逸見所率以戰於大口者多係一萬
中間所募賊中目曰女郎軍。
精銳織田原。泣攀松樹亦已矣。聞逸見退大口也。撫
田原坂精戎衣敝盡雨亂打。及馬復渡湯尾水。武藏
兵在也。有知應笑喚。來汝逸見何所憾。時勢不可名不順。今
而涕泣何為叛。

湯尾渡

天色未明雲氣多。水聲怒處我來過。猛威一擊如風
雨。昨日官軍亂此河。

十六日。在國府陣中。疊舊作中秋懷人在獄中
韻賦之。

曾云雄渾。
那云合作
村云後聯雄壯中
含悲慘

東望平安雲路悠。吾王駐輦我心愁。人間或有濺花
淚。杜詩曰感
時花濺淚天上猶無觀月遊。風雨千山埋碧血。干
戈九國入新秋。魏貅士亦應回首。此夜西風滿御樓。
原作。高歌痛飲事悠悠。與爾同銷萬古愁。擊揖中
流成往夢。屬杯明月記曾遊。天邊異彩星藏影。海角
淒音雁送秋。何狀故人過
此夜。孤吟酒冷水西樓。

二十七日。在野尻。予受命草戰略。舉目則須木
連山當軒。蜿蜒東延數十里。山上有賊哨兵線。
聯綿不見其端。山縣參軍自傍謂予曰。見此景

草此略。豈可無一詩乎。乃賦以荅。

馬革酬君志未灰。役身軍陣最榮哉。一枝銳管助諸將。衝破連山賊據來。

二十九日。官軍陷高岡。近村有月知梅者。此夕與參軍偷閑往觀。樹在廢寺園中。一幹既朽。老枝四垂。其著地處。復生新幹。蓋奇樹也。

正是荒園落日時。戎衣來觀老梅枝。花天月地劫前夢。祇有姪娥與我知。

十四日。官軍攻延岡。予請參軍驅馬往觀。城既陷。乃乘夜登舊城天主臺址。時先鋒一軍方戰。

栗云伯顏有知己
曾云戎馬倉黃獨
鏡靜氣

一字山前。

何心百敗尚偷生也。背秋風奔此城。一字山前方快戰。延陵月已屬官兵。

栗云兄詩每涕泗
中挿一朵碧蓮花
村云月已二字無
限風致無限慨嘆

十五日。官軍攻賊于長尾及六鹿山上。賊亦悉銳出戰。如將衝我延岡者。予跨馬往觀。途遇曹長倉次某。因伴出右翼戰場。時中央之軍冒險先登山上。右翼奪六鹿村外一岡。予輩欲往從之。而賊未弃六鹿。飛彈如雨。予等乃恐為其所狙擊。下馬有哨兵線。沿河連岡。線上有散兵濠。因鞠躬疾步得濠而入。見間而出。遂達岡腹。會

琊云亦是一篇活
戰史閱來先浮一
大白

死賊一群揮刃衝我岡上軍。我軍奮戰。屋擊却
之。左翼亦奪長尾山。俗稱一本松山。此一
大松故名。此日中央
及左右翼之戰。盡在眼前。

此眼平生史萬殊。百朝興蹶實區區。壯觀閱盡有今
日。一大垂天活戰圖。

官軍既擠賊長井溪。四面圍之。賊皆窘縮。十七
日。遂提精兵數百。攀可愛岳絕頂。衝我哨兵線。
予有事上長尾山。見山田少將。山與可愛岳相
對。銃戰之狀歷歷在睫。而予困甚。卧天套中。且
觀且眠。

琊云夏曆中既帶

和煦氣自是一篇

凱歌

村云完璧

又云後半寓意

曾云似老杜諸將

之作

村云使月照有知
方今之大勢與西
翁之末路則應一
笑一悲于金波中
矣

亂銃撼天來。萬尋峰上道有人。且曲肱。困卧在天套。

九月六日。再次都城。時中秋在近。

夜氣沈沈斗影收。戎衣半歲帶西州。大臣自任安危

重。聖主猶懷社稷憂。小鳥未眠風入樹。輕陰復合雨

過樓。獨欣明月期方近。照徹乾坤萬里秋。

八日。自福山赴鹿兒島。舟中吊僧月照。

慷慨憐君出佛門。勤王致命恨猶存。鐵衣未著僧衣

破。萬頃金波瘞片魂。

鹿兒島陣中雜感

海潮吞吐入櫻灣。夜老殘篝落木間。起出轅門毛髮

椰云奇警可喜

颯流星一閃射城山。

跋扈將軍意氣雄。奈何雲霧漸收蹤。一雙巨眼成何

事。不及當年獨眼龍。西翁雙眼頗大。人呼為巨眼先生。翁亦時戲採為自号。

事與時違已矣夫。如今失脚復誰扶。不知空洞先生

腹。健飯猶同宿昔無。慶城子弟呼西翁曰大先生。翁身體肥大善飯。

只合家山老白衣。枉追野鹿冒危機。絕峰高嘯今如

夢。黃犬不違人遂違。西翁愛犬好獵。數登臨咏詩。

重圍匝合向三旬。憫汝蜉蝣且夕身。醉後鏡前應自

語。所斯好頸果何人。

二十一日。此夜中秋

村云謹語輒為佳語

曾云似遺山

椰云梁主未必入土窟

椰云亂後月夜寫

出逼真曾云置之元遺山集中不能辨也

十萬人家散劫灰。秋風戰倦暮寒催。誰知百二都城

月。曾照海樓絲竹來。予輩所居軍團本營。在鹿兒島城北。多賀山上。

城下光景一望可盡。時重圍既合。深夜起見之。

則連哨篝火漸殘。落月隱見城山樹間。砲聲斷

續。以警軍氣。情致淒然。殆不可言。

薩海秋陰逼遠空。邊城夜望感何窮。殘篝幾哨重圍

裡。缺月半山深樹中。治亂無常老天地。興亡有命泣

英雄。知不明早乍搖落。殺氣吹成一幕風。時官軍大舉薄城之

期既定。故有此轉結。

二十四日。官軍攻城山。予從軍後往觀。循山而下。至岩崎谷。我軍道獲西翁屍。而無首。桐野村田逸見以下七十餘人。壓死于一凹壘中。乃絕而出之。予見此狀。反報參軍。既而有兵士抱一首至。即西翁也。曰搜得之沙中。沙猶汚其面。參軍命以水洗之。顧謂予等曰。顏何其溫和也。而使予二十餘旬不寔合睫者。以有翁耳。今而我心始降矣。然翁天下豪傑。知予者亦無過於翁。憾使翁致有今日也。愀然者久之。予亦作吉也。行一篇以吊。

曾云陰開陽闢氣象萬千

君不見王權墜地六百霜。塵氛四塞日無光。循環天道往必復。義爻陰極還生陽。陽氣漸煦九五位。飛龍在天出聖皇。濃雲盛霧蒸其下。一日二日及四方。中出蓋世幾志士。天下從是事多忙。鎮西一士字為吉。氣稟侷儻才迢逸。時乎是時投機起。誓揮魯戈迴頽日。如何天地猶是否。桎梏之罪及衆士。鷗也毆叢爵半斃。獺乎毆淵魚多死。吉也亦受狂士名。狼竄其尾迷所行。二竄荒島一蹈海。既死復蘓未忘情。時運既轉殆向泰。大業垂成先帝睡。先帝睡兮今帝嗣。達孝不墜先帝志。大政復古天日明。征討不逞翻錦旆。伏

水一戰我武揚。遠追封豕關之外。吉也。時導天使行。隻手收得江都城。又向東北行三軍。身在帷幄掣長鯨。危峰驅馬雪曉打窮谷。銜枚雲夜驚。王師所向如竹破。賊崩其角一時下。吉也。此役與有力。歸來皇帝親慰籍。凌雲閣上既錄名。三台星裡又賜座。見過自引功推人。斷而行之避鬼神。西翁有句云。見過引之請書者。則好書斷而行之。鬼神避之之語。平生銘符唯是已。氣象爛漫見天真。果斷屢當皇帝意。巍然明治一重臣。一朝廟堂議論歧。吉也。蹶然去都門。急流勇退亦快矣。遠歸麴陽事耕耘。負耜未必向滕國。牽牛何出敲角端。皇帝

村云序述詳悉如讀一部西南爭戰記而調格嚴整無一間語
東云至平至公之言吉也當不得不首肯

猶假大將印。人間榮光在一身。優遊緩舒日又日。此是白衣真逸民。佐賀變兮熊本亂。漢焉看過如不看。舉世愈信其名望。一虎不怒在南山。獨惜麴陽燕趙似。悲歌慷慨多俠士。自吉退遯茲六年。左右所親此輩已。此輩日日訴不平。當世之談不入耳。遂使吉也心固陋。毫厘之差生自此。加之世勢亦變遷。間有小民怨上天。東關竟出揭竿徒。所過幾處見慘烟。由來此變常事耳。改革之政勢使然。米國禁奴有南部。武王新國有商民。唯從外觀似失政。說士以此或相牽。明治十歲第一月。西隅忽然殺氣發。檄文說出暗殺

事擬率子弟犯禁闕。功臣乍變為反臣。豪賊忽出自
豪傑。皇帝豈宥不軌辜。征討其人賜斧鉞。田原植木
血霧飛。霹靂撼天地亦裂。且有堅城屹然立。嬰守不
屈何其烈。又從八代進一軍。拊其後背急馳突。吉也
此時力漸窮。且戰且退西又東。玖摩已陷都城破。一
軍狼狽如飄蓬。最後延陵亦不守。萬餘子弟相率降。
長井溪裡斗大地。死守三日纔容躬。獨有首丘情不
禁。悉銳直攀可愛峰。亂山紛水開血路。復入麇陽故
據中。重圍再合無寸隙。孤城落日吹朔風。楚歌一夜
四面起。拔山力盡夢一空。嗚呼英雄末路亦可嗟。吉

椰云反覆叙出白
氏家法惜骨力緩
漫使人不能擊節
稱妙

栗云悲慘無限

也一死果人耶。徒為年少誤大節。天下至憾無之加。
淺沙殘苔葬國士。望迷日薩舊山河。

兵兒謠 共引

賊既平。予一夕就土人某得審私學校黨前
日情狀。當其舉兵也。眼中既無關西。可謂驕
亦甚也。其一敗塗地豈不宜乎。戲譯兵兒謠
一閱聊以屬警世之意云。

負是賊勝是官。男兒唯應冒嶮艱。咄嗟曉出鹿兒島。
絕叫夕度太郎山。肥薩境上。有網木佐敷。及赤松太郎之三嶮。眼下葛爾
熊本城。唾手可拔立食間。君不見南關北關路歷歷。

椰曰真寫兵兒口
吻自得樂府体
栗云驕亢之報致
彈丸硝藥倒施之
響讀賴山陽前矣

兒謠者必不可不讀此篇

村云不著一警戒之語而整戒之意自見是妙手

直破此關無一敵。

官軍撤軍前後東歸。予辭參軍。獨巡前日未經之戰地。三十日夜遂至阿久根。僦舟。指顧三太郎嶮而過。明日入松橋。

歷盡半年爭亂忙。悠悠水枕百憂忘。江山舉目景如舊。一夕行過三太郎。

上熊本城

村云起語警勃稱其人矣

西海雄鎮熊本城。藤清正公所築成。斷崖千尺削為壁。巍然屹立據崢嶸。規模尚見英雄志。一望使人暗淚傾。君不聞征薩役罷賞首功。豐家名臣推此公。賜

椰云予亦聞此事矣。然信疑相半。今讀此詩始詳之。

封此土豈等閑。一城折得南方衝。又提提兵向絕域。千里懸軍入朔北。其奈外征功未竣。飛雲閣上喪大白。一封土寒英雄骨。天地獨餘孤六尺。公也從是任寄托。苦辛提攜無不力。嘗出短刀泣且言。今而聊報太閤恩。西歸徐待有事日。自謂迴瀾手猶存。上國若不利孺子。仍有此城足來奔。

嚮者城中天主閣罹災。元有一室。稱將軍間。柱裝銅鐵。交用藤家及豐氏徽章。傳曰。上國若不利於秀賴。則清正之意在奉之於

此時機未熟。世既變。大坂城下壯士戰。朱梁遂傾唐。社稷晉王無子負三箭。此城自此遂無用。鵲巢鳩居。星霜換。大勢忽改遇維新。聖主在位萬機振。居治未

村云公在天之靈
誦遠志始伸之句
忘擊節快笑曰得
一知己于千歲後
矣

椰云無限感愴
村云轉用青邱句
於此更覺妙
曹云一結悠然如
巨魚之縱大壑

遽忘其亂。六管鎮臺分六軍。西以此城充其一。公之
遠志亦始伸。果然薩隅封豕出。唐突來衝勢太疾。孤
城屹立待外援。苦戰人想蔚山日。司令長官果干城。
我職制謂鎮台首將為司令長官。時陸軍少將谷干城為熊本鎮台司令長官。故云。六旬不屈
士氣一。地下公亦應擊節。不拔之節卓爾立。新戰諸
場眼下開。俯仰高吟氣壯哉。水禪寺。保田窪。南控玳
摩山岳堆。萬古蒼茫無限意。猶覺遠自荒烟落日來。
十月六日。發熊木。經植木田原至高瀨。翌日。歷
觀木葉二俣滴水木留及吉次越斑紅山等戰
地。八日。迂路至山鹿。九日。出于南關。十日。至柳

曾云蒼莽無倫

椰云骨太露

栗云運用古典巧
叙近事乃公擅長
處

椰云江藤氏亦忘

川。遂渡千歲河。遊佐賀。偶得此詩。
千歲之水流混混。枯葦蕭索悲風卷。河上乎田二百
里。烟樹蒼茫日欲晚。吾赴佐賀自南關。路過柳川抵
此間。濶步仗劍四睥睨。風物無邊破我顏。想得明治
第六祀。征韓論自參議起。廟堂不聽漫用武。其人憤
怒半辭仕。就中最怒是誰歟。一朝結黨直出此。欲以
腕力壓廟論。不省人和地利否。與事書生何能為。况
無形勝一可恃。旭岡既破三山陷。旭岡岡名。三山山名。即官軍破征韓
黨之官兵一入事已矣。江上艤舟非無翁。其奈吳國
不相容。昔日為法非有弊。其奈秦人不相蔽。其舉非

有愧於地下

矣其跡悲。轅門風雨折幾蕙。仰首緩緩吟且行。烟樹
深處韓雅鳴。肥筑間有一種
鴉稱高麗鴉。

歸鄉訪舊師佛山先生賦呈。

村曰君童年寓徽
塾頭角斬然儕輩
靡及而余淺學寡
聞無一裨益之者
此篇推予置百尺
樓上慚死々々
那云有情有致前
聯特佳

記得當年立雪場。分明認上佛山堂。詩之衣鉢終難
受。學有淵源豈敢忘。談入真來清徹骨。酒澆愁去夜
將央。他年誓報先生志。且許鯨生今尚狂。

壇浦懷古

粟云可謂山上有
地君子可居
那云起得壯重兄
以當時語說下成
篇是慣手
曾云似飛卿

刀折矢盡可以已。播遷求活欲安死。抗言苦諫遂不
聽。阿兄孱弱何足恃。膽氣吾愛新納言。優為平宗第
一士。九重城闕委烟塵。彩鷁西飛稚龍巡。窮天極海

村云繳工兒面色
如泥

粟云有宗盛孱弱
而倍見新納言強

成何事。東國男子薄御船。崖山風波衛王逝。獨有世
傑是人臣。多殺無益徐為計。殺身亦足以成仁。請看
檻車白晝赴東者。單衣夜夜庇子眠。

過山崎懷古

那云好結末吾以
此什為此篇古詩
中第一

先上北山可以王。天王山險扼此鄉。山勢沿水通地

村云起得雄雉先
為一篇斷案

那曰一句高於天
王山

那云東西雙關

勢。周道如砥過河陽。噴煙捲墨瀛車駛。駛至此間忽
荒涼。玻璃窓間放雙眸。懷古感與鑿路長。當時中原
一失鹿。東西掎角事太忙。東者功名誤其策。枉殺恩
人傲項強。西者斷機不放睫。鼙鼓其罪告四方。一山
之爭天人助。後者得而前者喪。兩軍勝敗何須卜。一

粟云論去英雄豎
子共歸一夢

椰云歸重一山章
法極整
曾云悲慨蒼涼

椰云起手不凡

曾云古人謂少陵
為詩史吾於此詩
亦云

椰云二曲俱切

山博得兩軍望。貌貅百萬今安在。月白風高古戰場。

上大坂城

紅輪飛入乃母腹。墜地吞牛氣乃足。蓋世英雄豐太

閻。不籍門葉與戚族。身起自隸干英主。空拳一揮共

追鹿。忽見一鞭亂桂川。本能寺裡起黑煙。天下形勢

瞬時變。那翁與壞和早全。那破翁率佛蘭西共和政

佛蘭西國內大亂。那破翁乃講和東向大唱艸木靡。

戰機一握在手裡。劉季素服哭義帝。上天不祐重瞳

子。海內群雄遂雌伏。推作盟主豈徒爾。天府形勝控

京洛。金陵實適霸者畧。欲挾天子令天下。相地石山

起城郭。嶺峯之勢何其豪。我今登臨千仞高。眼界無

雲天日晚。風斯在下鳴颺颺。長流一條瀉從北。直到

城脚為天濠。想昔此城竣功日。大閤坐此伸其膝。嗟

峨觀花意既懶。直向明韓試一叱。漢帝不窘白帝圍。

何為秋風等閑吹。遺教稍似輪臺詔。自是外征軍始

歸。嗣子猶幼未居位。共和新政待他時。東國老叔彼

何者。樞肉未冷心既野。床前流涕果信耶。司馬遂奪

魏天下。諸侯觀望盡向東。孤兒寡婦勢殆空。氣節獨

有客將在。決然赴義不顧躬。欲據孤城敵天下。其奈

天命有窮通。吾放大眸飛悲淚。諸將死處知何地。

椰云亦是適實

栗云當時天意人
心恐有難以今日
律者
曾云叙議兼工詩
而文矣

椰云佳結

過桶峽作桶峽歌

曾云工於發端

足利兵馬失其馭。四方群雄事割據。真雄獨有織三郎。誓為天子清輦路。駭遠大守何為人。擬沼吾土奴吾民。鷲津九根膏其鋒。匹如驕獺迫小鱗。三郎眼光貫天地。四萬大敵任罵詈。警報陸續耳不入。古謠一曲訴壯志。人生五十夢幻耳。區區生死非吾事。單騎揚鞭出清洲。匹如神鷹奮快翅。卷旗伏鼓循山馳。馳下桶峽勢何奇。雷雨昏黑失咫尺。天助英雄此是時。距躍三千斫雨入。幕中醉人即虎兒。沃野千里易一指。大星忽落人未知。三郎英氣轟遠邇。勤王業就執

匹如神鷹奮快翅

村云有一結全篇皆振

牛耳。割據群雄為何事。猶較銖兩徒角掎。君不聞群童搏土禁垣殘。三郎始來有可觀。
下函山。有懷北條早雲。

曾云似放翁
那云開闔有法篇
中傑作
曾云想起擬改回
憶

伏劍東行瞰八州。英雄唾手忽封侯。雙杉隻鼠占佳夢。五世一城據上游。歲月蒼皇人事改。風雲索莫日光收。放吟飛下函山路。想起鼓螺驅怒牛。

曾云典麗高皇
那云實際言語不
求巧而自然動人

二十八日。陪宴於赤坂皇居。退而記恩遇之忝。四海九州上壽時。陪筵有詔見威儀。龍顏麗麗聞天語。麟閣深深賜御卮。小亂何傷明治政。微臣亦受聖君知。感恩兼灑負恩淚。欲報涓埃未有期。
唐憲宗齊魯初平。宴

百僚。裴度舉觴曰。寇逆削平。願與四海九州之人同上千萬壽。

附錄

龍動客寓。寄懷山田陸軍少將。次其送予歐洲行韻。

故人居隔幾重關。昨夢猶迷無有間。深夜不眠飛羽檄。亂烽秋老日州山。

觸髅白歌並序

今茲戊寅之秋。予之從日耳曼還英吉利也。

途經白耳義。遊華得流。遂上碧血堆。一千八百

年役後。白耳義國人鏖集戰場。汚土為一大封。高二百尺。上置石造獅。因名曰白耳義獅。以其實為碧血之堆。故予稱之碧血堆。俯仰有不堪。感慨者會

曾云沉雄

霰雨暴至。不可支立。乃下。堆下有一小逆旅。就而燎衣啖肉。女主某英國人。故格頓氏之姪也。格頓者英軍下士官。而從一千八百十五年役者。役後棄職卜居於此。以導過客。吊戰場為業。好拾收掘採敗殘武器以及朽骨。觸髅。嘗著一書記其所目擊之戰狀。名曰華得流一聲。距今三十餘年死矣。遺物悉傳姪女。女襲而居焉。予之憇其家也。見贈觸髅一片。歸後製為酒杯。將以贈某將軍。因作此詩。

山崩谷裂躍萬馬。英雄相見旗鼓下。絕代鏖戰安歸

哉。形勝依然貌南野。

華得流在白耳義國都貌律士府南。

吾來吊古恰

晚秋一望輒發蒼茫愁。且上道傍碧血堆。急霰如矢射雙眸。誰哉此時來在後。觸髅一片忽墜手。歸來珍重聊施巧。喜見空洞可盛酒。一引二引洗曠懷。不覺悲歌發於口。當時劇鬪天地悲。之子亦蓋決雄雌。啞啞吐咤蹴屍進。身首已離魂未知。恩讐如夢流為水。匆匆歲月六十祀。今日偶然來歸我。猶見怒色帶血紫。想我客歲赴薩陽。身從官軍在一方。平明駟馬出陣門。殺氣捲地吹劍鏃。遺恨尺寸功不立。枉以文章誤名場。况復今日為異客。天涯萬里滯英國。投筆中

原事已矣。沒首載籍。噬乾墨。寄君此白。且長歎。龍動城上斗彩寒。

春興偶作

海國刺寒花較遲。征衫懶問酒家旗。春風野馬台前柳。不識何枝繫我思。

春晚坐雨

天涯遊子恨浮生。節物匆匆感轉增。暮近樊楊長幾尺。建真噸水漲三層。春愁促我頻思酒。夜雨倩誰同剪燈。一睡不如聊結夢。明朝當有遠來明。慕近樊。建真噸。共龍動勝地之名。

遊瑞西上阿爾布偶作。

氣壓萬人心却閑。七年猶未唱刀環。英巒佛嶂登臨遍。又上瑞西第一山。

道龍師在英國將遊印度索詩因作。

曾云起勢跌宕造句亦奇

君不見雪山萬仞從地拔。積陰沍凍不絕雪。山勢遠奔入南洋。地近熱帶日燬鍊。中間劃出摩羯陀。天降精英生釋迦。廣德大業絕群類。威風千歲泣惡魔。身長深宮氣吞世。誓為衆生謀普濟。蹶起一朝出家去。人間富貴付睥睨。樹下石上寄其生。勤苦觀念修道成。父母恩兮妻兒愛。為法能割難割情。氣宇愈高心

愈固。惟我獨尊。殆天賦下山說法。天雨花為拂三千
世界霧。東洋法孫僧道龍。一錫求道探遺蹤。其友松
生送其行。月前舉手指遙空。行矣自是三千里。法基
教址或可視。熱帶苦兮雪山嶮。志一立兮一蹴耳。

瑩上感懷 并序

英國詩家希壘氏瑩上感懷詩。久膾炙人口。
距維西爾王宮可三四里。有一古寺。傳為其
作此詩之處。好事之士多往訪焉。予亦嘗與
友人箕作佳吉約同訪。及期有故不果。佳吉
固需予譯詩。予乃沈吟數日。始得此譯

曾云一往情深出
以達語視謝惠連
祭古冢文尤為沉
摯

疎鐘斷續送殘晨。幾隊歸牛步得得。鋤夫輟耕徐向
家。紆路一條倦無力。黯然獨留兩間將。付與吟人與
真色。物景從是漸依稀。靜意四來風亦微。遠處羊鈴
次第絕。唯有懶蟲時一飛。又從當頭蘿塔角。溢咽二
三聽老鵬。其意如謂厭塵喧。倩他新月護幽獨。傍有
陰樅與衰枌。其下累累有荒墳。野老村翁之所卧。宿
草封盡道不分。一去九泉事邈矣。鷄嘶角吼不能起。
何況清晨遠市聲。何況茅軒飛燕喜。厨煙不復為渠
颺。山妻不復為渠忙。既無嬌兒待其歸。豈有小孫遠
其床。嘗受此輩鏹。嘉禾倒相依。嘗觸此輩鏹。土塊碎

曾云雄健甚似古樂府詩得此佩服服

欲飛。或嘗并雙軌。行行耕林麓。或嘗提利斤。丁丁伐山木。其生撲質其業勤。其家和樂其情真。願他功名富貴者。休以不遇笑遺民。雖有拔山力。雖有傾國色。雖有千騎從。雖有方丈食。美人甚易衰。豪奢不多時。均觸無常風。化向北邙飛。莫謂此輩空埋沒。上無京觀與魏闕。下無大隧幽邃邃。又無頌歌贊功伐。翁仲石馬雖列陳。枯骨竟不回其春。諛辭不達永夜耳。追尊不能起冷塵。却恐此燕域。所埋或人傑。其臂一揮動天下。其氣滿腔血吐熱。獨為一生背汗青。千年興敗不上睛。赤貧銷磨有為資。天縱之才失其靈。真珠

多老滄溟海。萬仞洞底藏異彩。名花間朽空谷中。奇芬零落空千載。小哈武顛或在斯。嘗為鄉黨挫鼻鴟。錦心或有密爾頓。豪膽或有格郎彌。或有雄辯震議院。壓倒群囂掣駭電。遂令海內化沃野。一人進退萬人見。命運有數制縮張。大美大惡兩相忘。雖無殊恩被一世。亦無隱罪攬中腸。不以殺傷奪人國。豈買虛文銜外飾。循行生人淳朴道。無事一生全天德。雖然此輩骸。亦禦外侮來。小碣掩遺迹。足惹過客哀。上刻年月與姓氏。真率之文代銘誄。側刺聖教幾小語。以教野人安其死。何人真心厭塵寰。何人得意向冥關。

中村敬字曰余嘗讀希墨原詩頗記之在懷因對比細讀深感其譯之不失其意而又極精巧也余亦嘗譯西詩故能悉其苦心世之不知者或容易摘其疵瑕耶嗟乎疵處瑕處實作者之所苦心嘔血也

臨終踟躕常情耳。不怪人間惜紅顏。片魂將去慕骨肉。雙眼欲瞑祈冥福。古墓亦自藏天音。死灰底猶生氣伏。吾今憑吊詠此詩。說盡前人有餘悲。安知吾亦被人吊。惆悵同我憑吊時。或想憑吊時。白髮一村客。道與其人遇。與之語宿昔。語曰昔嘗見此郎。早曉日日陟彼岡。疾步拂去滿蹊露。望盡朝陽凝滄涼。而後徐赴彼崖下。樹露根處伸膝坐。坐來悠然仰天卧。聽取溪流自上瀉。少焉微笑如有思。傍他林端詠而歸。有時長歎如有怨。忽又茫然似情痴。一朝何事失其迹。不在樹邊况岡脊。次早依然闐無人。崖前水際何

所適。三日吾偶過寺門。初見薤歌送其魂。彼有古槨下有墓。請君試行讀碑文。

碑文

大塊為席。此安其首。富貴功名。終世辜負。詞藝獨親。不嫌素門。窮愁永纏。似有宿因。舍施頗多。神最澹泊。天道能酬。所欲悉得。可見善悲。一淚常傾。天之所與。身得友生。此外短長。何必窮極。奄然登遐。在彼樂國。

青萍詩存終

跋

曩余讀日報社新報載世波子所
著論數篇皆具卓拔之識踔厲之
才不議論確實用意周匝使人擊
節稱善然不知其為何人之偶有
告者曰是末松君謙澄其歲甫二

十餘瓦余乃大驚無幾君遽擢法
制官周旋諸公間名聲益興老輩
皆推重焉及西南變起特命入幕
府參贊軍機其名愈著然余猶欣
君為英敏通事務者未必兼有文
學詞藻也既而讀其所著鐵壁集

則復大驚曰嗟君出才之學果至
此邪今見其所作七言令體幽麗
高雅極有韻致七言古風美蒼沈
鬱變化縱橫不用典切當證據的
確果知其才學超絕乎羣衆也嗚
呼余之於君不止一驚而既已再

太驚矣且聞君將蒙命游歐州縱覽名都巨邑交接偉久傑士以磨勵學識則才日益進學日益富使余驚嘆者將至三四不已也雖然世之少率才子遊海外者多矣動輒大言虛鳴以驚人退察其所

為鼎安誕無稽一糶所擬嚮之驚歎為不可及者未必不翻為嗤罵詈也嗚呼君當古豪傑閱歷事故跌非一日豈做彼輕薄輩所為乎余且待君之還斛其裝更閱海冰諸位卜余言之不誤也

青萍詩存

明治十一年一月

辱知 依田百川識

中根聞書印

明治十九年八月十六日版權免許
同年 同月 出版

著者

福岡縣平民

末松謙澄

東京京橋區築地

三丁目五番地

滋賀縣士族

小林義則

東京日本橋區本町


四丁目十六番地


發兌

文學社

東京日本橋區本町

四丁目十六番地





099694-000-3

919.6-Sub74s

青萍詩存

末松 謙澄 / 著

M19

DBV-2321



919.6

Sub74s

W